

Na osnovu člana 69. stav (2) tačka e), člana 70. stav 1, 4. i 6. Zakona o javnim nabavkama („Sl. glasnik BiH“, broj 39/14) te na preporuku Komisije za nabavke u postupku javne nabavke radova na održavanju kompleksa Slana Banja, Pomoćnik gradonačelnika za Službu za komunalne poslove, izgradnju i poslove mjesnih zajednica, donosi

ODLUKU o poništenju postupka javne nabavke

Član 1.

Poništava se postupak javne nabavke radova na održavanju kompleksa Slana Banja u skladu sa članom 69. stav 2. tačka e) Zakona o javnim nabavkama, odnosno iz razloga što su cijene svih prihvatljivih ponuda znatno veće od osiguranih sredstava za predmetnu nabavku.

Član 2.

Ova odluka će se objaviti na web-stranici ugovornog organa (www.tuzla.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 05-14-1715-2019 od 11.03.2019.godine. Postupak nabavke je proveden putem otvorenog postupka za koji objavljeno Obavještenje o nabavci broj: 1004-1-3-18-3-49/19 na Portalu javnih nabavki dana 11.03.2019.godine.

Postupak nabavke provela je Komisija za nabavke imenovana Rješenjem broj: 05-14-1715-2019 od 11.03.2019. godine.

U toku postupka javne nabavke Komisija za nabavke je izvršila pregled i ocjenu ponuda te je zakazana e-aukcija. Nakon okončanja e-aukcije Komisija za nabavke je utvrdila da su cijene svih prihvatljivih ponuda znatno veće od osiguranih sredstava za predmetnu nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama.

Naime, u postupku predmetne nabavke utvrđeno je da su cijena svih prihvatljivih ponuda znatno veće od osiguranih sredstava za predmetnu nabavku, odnosno procijenjena vrijednost nabavke je 42.730,00 KM bez PDV-a a vrijednost najniže prihvatljive ponude je 47.029,58 KM bez PDV-a.

Iz navedenih razloga, primjenom člana 69. stav (2) tačka e) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem ugovornog organa, najkasnije u roku od 10 (deset) dana od dana prijema ove odluke.

**Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Služba za komunalne poslove, izgradnju
i poslove mjesnih zajednica
Broj: 05-14-1715-2019
Datum, 09.04.2019. godine**

**Pomoćnik gradonačelnika
za Službu za komunalne poslove, izgradnju
i poslove mjesnih zajednica**

mr.sc. Mirela Uljić, dipl.ing.grad.